

Ordenung der Ch=
ristlichen Kirchen zucht /
für die Kirchen im
Fürstenthum
Hessen.

Acto. 20.

So habt nuhe acht auff eu
ch selbst / vnd vff die gantze
herdt / vnther welche euch
der heilig geist / gesetzt hat
zu Bischoffenn / zu weyden
die gemeine Gottes / welche
er durch sein eygen blut
erworben hat.



A Len getrewen Hir-
ten/vñ seelsorgern/ auch gley-
bigen/vnd gotfürchtigen ges-
meynen/ Christi Jesu vnser Herrn/
im Fürstenthumb Hessen/ Genad vñ
fride von Got vnserm himlischen va-
ter/vñ vnserm heyland Jesu Christo.

Vnser ampt vnd pflicht erfordert
in sunderheyt/das wir vber die herdt
Christi vnser herrn/ stetigs wachen
vnd mit höchsten trewen versehen/
das allem einfall der hellischen wolff-
zeitig begegnet/vnd geweret/vñ was
auch aus angeborner blödigkeit/ ges-
brechen/vnnd mangel/enstehen wil/
das dem als baldt mit gebürendem
radt/ gesteuert vnd geholffen/vnd zu
gewisser vñ steter besserung/ bey dem
völcklein Christi/ alles angericht/vñ
gefordert werde. Vns hat ia der her-
re dazu gesetzt vnd verordenet/ das
wir ime seine schefflein also weyden/
das sie für allem vnrecht/vnd verter-
A ij ben/

ben/verwaret/vñ die weyde des ewi/
gen lebens/durch die gesunde lere/ge
trewe vermanunge/vnd heilsame zu/
cht/also haben/vnd geniessen/das sie
im rechten Christlichen leben/immer
fertiger vnd stercker werden/zur heil/
igung götliches namens/vñ erwei/
terung seines Reichs.

Dis haben wir/wie wir schuldig/
vnd auch der Durchlechtig Hoch/
geborn Fürst/vnser Genediger Herre
mit theurister vermanung/von vns
erfordert/zu hertzen gefurt vnd beda
cht/als wir iüngst zu Ziegehain/aus
beuehl vnd gebot des selbigen vnser
G. F. vnd Herrn. Derhalben mit den
Hochgelerten/Strengen/Ernuesten
Achtbaren vñ weisen/seiner F. G. Ke/
then/vñ gesandten von den Stetthen
versamlet gewesen.

Vñ nach dem wir leider nuhe len/
gest genungsam erfahren/das der Sa/
than nicht allein durch allerley Not/
then/vñ Secten/sundern auch dur/
ch die fleischliche vppikeyt/vñ verlass/
sens

fens wesen / eben viel armer leut / von
der gemein Christi / zum teyl gar ent-
pfremdet / vnd abhaltet / zum teyl / so
viel abzeucht vnd eusert / das sie sich
in die ware vñ gantze gemeynschafft
der lehr / Sacramēten / vñ zucht Chri-
sti nicht begeben / haben wir vns im
Herren erforschet / vnd beraten / wie
wir doch solchen irrigen scheffleyn /
widder in Schaffstal zu der Seligen
hutt / vñ weide Christi gantzlich vor-
helffen / vñ die so noch nicht abgefürt
darn vnd darbey behalten / vnd zu ih-
rem heyl seliglich versehen / vnd wey-
den möchten.

Vnd als wir vnserer Kirchen vnd
Gemeine / alle gelegēheyt / mangel vñ
feel / erwogen / vñ gegen dem / das / so
in aller schrift / vnd in dem Exempel
vnser lieben Herren Jesu / des Ertz-
hirten vñ Bischoffs vnserer selen / vñ
seiner liebē Apostel / von dem hirten-
dienst / vñ rechter seelsorge / vns vor-
geschriben ist / gehalten / haben wir
vns / vff Christliche verbesserung vn-

fers G. F. vnd Herrn/ vnd eines yeden
rechtuerstendigen Christen/ nachfol
gender Ordnung bedacht/ vnd ent/
schlossen.

Erstlich/ das/ wie der heilig Geyst
so ernstlich gebeut/ vnd vnser G. F. vñ
Herr/ hie vor auch in höchstē trewen
erfordert hat/ die würdigen hoch vnd
wolgelarten Herrn vnd Brüder / die
Superintendenten sampt andern ge
trewen Dinern der Kirchē vñ der ober
Keyt/ ein recht geflissen vñ eiferigs vff/
sehens haben / vber alle ihre Kirchen
vnd gemeyne/ da mit die selbigen mit
recht gelerten/ verstendigen/ beschei/
denen/ eiferigen vnd frommen predi/
gern/ bestelt/ vnd gnügsamlich erhal
ten werdē/ Welche nicht allein zu den
gemeynen predigen/ sondern auch zu
dem besondern vnterweisen / verma/
nen vnd straffen gegen menniglichen
geflissen vñ mechtig sein/ die auch
ihre Catechismos / vnd alles das zur
seelsorg gehört/ mit allen trewen vnd
ernst halten vnd vben.

Zum

Zum andern/ weil des Herren be-
fehl ist/ alle getauffte/ durch jr gätzes
leben zu vnterrichten/ vñ leren halten
alles was er befohlen hat / Ja auch zu
suchen vñ zum heyl in ihm zu bringen
alles das vertorbē ist / Vnd aber den
dienern des worts nicht möglichen/ al-
lein vff yederman/ nach aller nottur-
fft zu sehen/ vnd auch einen yeden alle
mael mit frucht zur besserung/ zuuer-
manen/ straffen vñ warnen / Mögen
wir es nicht anders erkēnen/ deñ das
die hohe notturfft vnserer kirchen er-
fordert/ das wir die alten Ordenūg
des heiligen geists/ wie wir die in den
Apostolischen schrifften haben / bey
vns wider auffrichten/ vñ zu den die-
nern des worts/ in yeder kirchē/ nach
dem sie gros ader klein an leuten seyn
etliche Presbiteros/ das ist Eltesten/
verordnen/ die verstēdigsten/ beschei-
denesten/ eyfrigsten vñ Frömbsten im
Herren/ vñ die auch bey der Gemeine
die best vertrautisten vñ wolgemein-
tisten sein/ so man immer inn der Ges

meyn haben mag:

Dieſſe Elteſten/ ſolle yede Kirchen
wie auch die Diener des worts / mit
getrewē vff ſehen/ vff den Canonem
Pauli, welen/ vñ were auch gut/ das
man ſie in der kirchē / mit öffentlich/
em gebet vñ vermanung / zu inen den
Elteſten, ires Ampts vleiffig zu war/
ten/ zu der gemein/ den ſelbigen Elte/
ſten/ in herrn hertzlich zugehorchen
beſtetigete / vñ jr ampt also heyligte/
deren ampt vnd diñſt/ auch die ober/
keyt getrewlich erheben vñnd darob
halten ſol / als ob dem notwēdigſten
vnd heilsamſtem dienſt vnd ampt, ſo
nach dem ampt der leer in der kirchē
en ſeyn mag.

Vnd möcht beſſerlich ſein/ das ſol
che elteſten eins theils auff des radts
ader Gerichts herrn. Eins theils von
der Gemeine gewelet wūrden.

Welche Elteſten für allem/ eyn be/
ſonder vleiffig vff ſehen, auff die Pre/
diger haben ſollē/ da mit die ſelbigen
ires Ampts recht auswarten / in leer
vñd

vnd leben/vñ wo sie das thun/ sie für
dem falschen verleumbden trewlich
vertedingen/ wo aber des bey ihnen
mangel erfunden würde/ das sie dar
an sein/ damit solchs durch sie/ oder
die oberkeyt gebessert werde.

Vnd wo die Christliche leer gegen
iemandes zuuertedingen/ ader irrigen
leut zu berichten/ ader etwas anders
wichtigs von wegen der kirchen zu/
handeln/ fürfallen würd/ so sollen al/
weg die Eltesten darbey sein/ vnd iren
getrewen radt vnd hülff dazu / nach
irem besten vermügen/beweisen/ da/
mit alles in der kirchen deste ordent/
licher vertrauter / vñ zu mehrer bes/
serung verrichtet werd.

Obue diesen Eltesten/ solle in yeder
kirchen/ vffgelegt vnd befohlen wer/
den / neben vnd mit den dienern des
worts/ die Gemeyne seelsorg vnd der
hirten dienst/ das sie nemlich ires be/
sten vermögens dazu raten vnd helf/
fen/ das alle getauffte/ Jung vñ Alt/
in Christlichem glauben vñ leben zeis

tig vnd gnungsam geleret / vñ darzu
vermanet / vnd angehalten werden /
vñ wo yemands an diesem etwas fe/
let / dazu helffen / das solchen fehlen/
auch zeitig vñ mit guten fugen begeg
net werd / es sey an der leer adder am
leben.

Zum dritten sollen die Eltisten der
Kirchen sampt den dinern des worts
anrichten / vnd daran seyn / das alle
kinder / weñ sie des alters halben fe/
hig seyn mögen zu den Catechismus
geschickt werden / welche Catechis/
mos man auch an jedem ort wol an/
richten kan / vff solche zeit / das ein ig/
licher seyne kynder dar zu zuschicken
vnbeschwert sein wird.

Es ist auch die oberkeyt schuldig /
das sie auch durch jr Ampt mennig/
lich dazu anhalt den so die / eynen ye/
den menschen / die seine in sein gehor/
sam vnd gewalt verschaffen / vñ dar/
inn halten sol / wie viel mehr gebüret
sich ihr zuuerschaffen / das Christo
dem Herren die / so durch in erschaff
fen/

fen/vnd darüber ihm auch in der hey
ligen Tauff ergeben/vnnd eingeleyt
sein/durch sie herzu geführt vn̄ in ihm
Christo zuleben vfferzogen werden.

Welche Kinder nuhe durch die Ca
techismos im Christlichen verstandt
so weidt bracht sein/das man sie bil
lich solt zum tisch des Herrē zulassen/
Sollen die Eltesten vn̄ Prediger ver
sehen/das die selbigen vff eyn für
nemst Fest/Als zum heyligen Weis
nachten/Ostern/vnnd Pfingsten/
von ihren Eltern vnd vettern vor als
ler gemeyn/in der kirchen/dem Pfar
her an/darzu geordneten ort/darge
stelt werdē/Da sollen vmb den pfar
hern stehen die Eltesten vnd alle an
der diener des worts/Als denn der
Pfarher/die selbigen Kinder/die für
nemsten stück des Christlichen glau
bens befragen/vnd nach dem die kin
der darauff geantwortet/vnnd sich
da öffentlich Christo dem Herren vn̄
seiner kirchen ergeben haben/sol der
Pfarher/die gemeyn vermanen/den
Herren

Herren/ dieffen Kindern vmb besten/
digkeyt vnd merung des heiligen geis/
stes zu bitten/ vnd solch gebet mit eys/
ner Collect beschliessen.

Dem allem nach/ sol den der Pfar/
her/ den selbigē Kindern die hend auff/
legen/ vnd sie also/ im namen des Her/
ren/ Cōfirmieren / vñ zur Christlicher
gemeinschaft bestetigen/ Auch dar/
uff zum tisch des Herren gehen heis/
sen / mit angehenckter vermanung /
sich im gehorsam des Euāgelij trew/
lich zu halten / vnd Christliche zucht
vnd straff von allem vnd ydem Chri/
sten/ furnemlich aber von den seelsor/
gern/ allzeit gutwillig auffzunemē vñ
der selbige gehorsame folg zu thun.

Zum vierden/ Sollen die Seelsor/
ger/ beyde Prediger vñ Elteste / auch
allen vleis ankeren / vñ nichts vnter/
lassen/ das sie zu volkōmener gemein/
schafft Christi/ inn der lehr Sacra/
menten/ vnd Christlicher zucht/ dur/
ch freuntlich vnd getrewes ermanen
bitten vnd flehen/ vermōgen vñ bren/
gen al/

gen alle die / so sich nach von solcher
gemeinschafft gantz ader zum theyl
euseren / vñnd sein aber doch vff den
Namen Christi getaufft / tragen seyn
nen heiligen Namen / der mann leider
diesser zeit auch bey vns noch findet /
Es sein die sich gar von der Gemeyn
Gottes / auch von der predigung ab
halten / Etlich die wol zur predigung
gehen / aber nicht zum tisch des Her
ren / Etlich die wol zum tisch des Her
ren kómen / leben aber nicht wie Chri
sten gebürt / sondern so ergerlich / das
sie etwan die gantzen Gemeyn verer
gern / Derhalbē sollen die gedachten
Presbiteri sampt den Dienern des
worts / eyn recht veterlich vff sehens
haben / vff die gantze gemeyn / vñ ey
nem yden in der selbigen besonders.

Vnd wo sie finden solche / die auß
ch die predigung / vñnd alles Christli
ches thuen meiden / das geschehe den
aus stumb in der Religion / ader aus
fleischlichem Epicurischem lebē / sol
len sie sich samptlich beraten / wie vñ
durch

durch wen / solch leut entlich doch
erstlich zum gehör Götlichs worts
bracht werden / Das wehr den das
ein sollichen gar entpfrembdten / von
der Christlich Gemeyn / eyner der
Eltesten besonders ansprech / adder
das man ander leuth / es were seyne
freundt vñ verwandten / ader andere
an ihn schicketen / ader das man inen
für die Eltesten vñ pfarher samptlich
beruffen / welchs auch gegen eynem
yden solchem / so entpfrembdten von
der Kirchen für zunemen sein wirdt /
an denen die besondere vermanung
nicht helfen wollen.

Es sol auch alle diese vermanung
an dererlei leutē vñ allē den jenigē / die
sonderlich brüderliche vermanung /
warnung vñ straff bedörffen / al/
leweg geschehenn / mit aller Chri/
stlicher sanftmuth vñ lindigkēyt /
auch mit treuem vñ freundtlichem
furhalten / der so reichen gnaden vñ
dese so gestrengen Gerichts Christi /
auch mit anbietung Freundtlichs
berichts

berichts vnnnd vnterweisens / durch
Gottes wort / in allem dem / darinn
sich eyner stossen ader irren möge.

Wo den jemandts so verstockt sein
würde / das er dis alles verachten / vn̄
in seinē gotlosen thun verharrē wölte
den mus man Gott vn̄ der Oberkeyt
faren lassen / doch soll man ihm nicht
deste weniger / alle bürgerliche / vnd
sunst schuldige dienst vnd gemeinsch
afft / auch hülff in nöten / so lang ihm
die oberkeit dulden kan / leisten / Aber
dasselbige also / das die Christen im̄
mer damit ursach suchen / solche leut
zur bus zuermanen / vnnnd sich auch
mit dem eusern von ihrer vnnötigen
gemeynschafft beweisen / als die eynt
hertzlich leydt tragen / ob solcher leut
the ewigē verterbē / darin sie sich doch
durch solch jr gotlos wesen stürzē.

Doch sollen dieses ewseren gesche
hen / allein von der vnnötigen vn̄ vn̄
besserlichē gemeinschafften / mit sol
chen leuten / als da sein die besondere
Sastung / vnd geselschafften / die eynt
jeder

jeder allein mit den haltet / die ihm be-
sonders verwandt / adder an deren
thun er sunder lust hat / adder denen
er vmb entpfangene ader verhofften
gutthaten / besonder ehr vnd lieb be-
weisen wil / Welcherley gesellschaft
offt die verwandten Freundt gegen
eynander an verweis nach lassen /
denn was bürgerlicher dienst / vnd
notwendiger hülff ist / odder auch
der gemeynschafft vñ diensten / wel-
che die leut eynander / aus der Or-
denung Gottes leyten sollen / von
wegen der Gesip adder Magschafft
halben / ader auch von wegen ande-
rer beruffung verwandtnusse vnd zu-
samen kommungen / wie sichs in ge-
meinen diensten / inn reysen / herber-
gen / vff Hochzeiten vnd andern ge-
meinen wirtschafften / da einer zum
andern / an seyn anschickung köm-
met / begeben mög / Dis alles sollen
die Christen allen iren Bürgern / ne-
chsten / verwandten vnd zukommen-
den / Ja auch Jüden vnd Heyden
erzey-

erzeygen vnnnd beweysen.

Wo denn seyn / die wol zur Predi-
gung / aber nicht zum tisch des Her-
ren gehen / die sollen die Prediger vnd
Eltesten / gleiches Radts vnd massen
mit vermanen / warnen vñ anbietung
Christliches vnterrichts vnderstehn
dahin zu bewegen / das sie sich Chris-
sto dem Herren gar begeben / vnnnd so
der sich selbst / seyn leib vnd blut / vnd
das zum ewigen leben / im Heiligen
Sacrament mitteylet / das sie dieesse
himlische speise / vnnnd geschencck des
ewigen lebens / doch nicht so verach-
ten vnd meiden wollen zu ihrem ewi-
gen verderben.

Sindt mann denn / das solche von
etwas jrthumbbs wegen / vnnnd nicht
aus verachtung / das heilige Sacra-
ment schewen / vñ vom tisch des Her-
ren bleiben / die soll man freundlich
vnterrichten / vnd dieweil halten / wie
man etwan die Catechumenos ge-
halten hat / Nehmlich / als Jünger
des Christenthumbs / in das sie sich
B aber

aber noch nicht völig begebē haben.
Bey welchen aber verachtung ge/
spüret wird/ die sol man doch verma/
nen von predigen nicht abzusteen/ vñ
sie alle mal / so oft man dz verhoffen
mag fruchtbar sein werde/ wider vñ
wider ansuchen/ vnd der milte genad
des Herren / auch seynes gestrengen
Gerichts/ das er gegen allen verech/
tern/ seiner gnaden vben wirdt/ eryn/
nern / Doch so lang die / inn solcher
verachtung des Herrn Sacraments
verharren/ sollen die Christē sich au/
ch gegē diesen/ mit recht Christlicher
vnd besserlicher abschew vomn ihrent
vngötlichem thun/ erzeygen / als de/
nen besonder schmerz vnd leiden ist/
das solche also ab der gemeinschafft
des ewigen lebens inn Christo Ihesu
schewen.

Doch sol dis schewen wie vor ge/
sagt/ alle mael dermassen geschehen/
dz man doch gegen solchē leutē vber/
al keinē dienst/ hülff oder gemeinsch/
afft vnterlasse/ die man inen aus bür/
gerlicher

gerlicher oder heuslicher / oder eyni-
ger ander rechtmessiger vorwandt /
hus / oder zusamen kommung immer
mehr schuldig ist / vñ damit man ih-
nen zur besserung helffen mög / auch
alle wege alle mittel / vñnd alles suche
vñ gebrauchhe / sie zur besserung zuuer-
manen vñd anzureitzen.

Wo denn seyn werden / die wol
zur Predigung / vñd auch zum tisch
des Herren ghen / leben aber streffli-
ch / vñd werden befunden im stücken
die jederman fur vnrecht erkent (den
man sunst niemands zu genaw ersu-
chen / oder deren dingen halben / die
etwan wol / oder zum wenigsten son-
der schwere ergernisse vñd verletzung
Christliches glaubens geschehen mö-
gen / fur nemen sol.)

Da sollē abermal der pfarherr sam-
pt den zugethanen Eltestē / mit zeitigē
Radt / durch sich selbst / oder andere
eintzellig / odder samptlich wie sie es
allemaal besserlicher sein / erkennen
B ij mögen /

mögen / mit allem ernst solche leuth
zur besserung vermanen / vnd das / so
offt vnd lang sie das mit hoffnung
der besserung vñ frucht thun mögen.

Wenn aber eyner sie / vnd an ihnen
also Christum vnd die Kirch ye nicht
hören / vnd inn seynem bekentlichem
arge verharren wolt / dem sollen sie
die gemeinschaft des tischs Christi /
absprechen / vnd ihn halten / wie ein
Heyden / dermassen doch / wye oben
beschrieben / das im besserliche hülff
vñ gemeinschaft nicht vorsagt werd
So lang ihn die Oberkeyt geduldet /
vnd ehe nicht wider zu lassen / den er
sich mit begeben zur besserung / vnd
auch thetlichē beweisen der selbigen /
vmb gnad vnd verzeyhung bey dem
Eltesten bitlich angesucht hat .

Seind aber die stück / darumb den
leuten (wenn sie in solchen / vber alles
vermanen / beharren / vnd die Kirch
Christi / die sie dauon zur besserung
vermanet / ye nicht hören wollen) die
Christlich Gemeynschaft abzuspree-
chen

ehen ist / diese.

Erstlich falsche lere treiben / die eigentlich dem waren verstandt Götlicher schrifft / wie wir denn inn der Confession zu Auspurg / K. M. vberantwortet haben / entgegen / vnd zu wider ist / vnd da durch die leut von warem glauben auch einigkheytt vnd gemeinschafft Christi in Secten vnd Notten führen.

Zum Andern / Auch andere gotslesterung mutwillig vben / es sei in arglistigen verechtlichem reden / von der schrifft vnd anderen Götlichen dingen / oder auch inn freuelern fluchen vnd schweren.

Zum dritten / die Ehegemal kindt vnd gesinde mit vnleydlicher vnbilligkheytt vbel halten / odder zu offenbaren schanden vnd sünden verursachen.

Zum vierden / den Eltern / furgesetzten vñ oberen durch mutwillige vñ vnbilliche vngheorsam widerspöstig seyn.

Zum funfften / gegen dem nechsten

Öffentliche vñ beharliche feintschafft
tragen/ vñ vben/ vñ sich mit ihnen ni-
cht wollen versünen lassen.

Zum sechsten/ Die nechsten mit be-
kantlicher vngerechtigkeiit verletzen /
vñ beschedigen/ es sei an der ehr / vnd
guten namē/ durch falsch verleumb/
de vñ zeugnisse / oder auch durch öf-
fentliche on schmehe vñ falsches schel-
ten/ oder an der narüg mit listigē ent-
ziehen oder offenen rauben / der eusere
güter/ oder am leib durch schlagē/ ge-
fengnis vñ ander pein vnd beschwe-
runge/ oder auch den tod/ vñ in son-
derheit die nechste mit den geschwin-
den wücherische finantzē/ wider alle
billigkeit vñ auch die ordenüg vnser
G. J. vñ herrn beschwerē/ es sey in ge-
meinen lasten/ küssen vnd verküssen
oder auch in zinsen vnd goltē.

Zum sibēden/ Öffentliche vnzucht
mit schendtlichen worten vnd wer-
cken treiben/ als Büberēy/ Ehebruch
etc. oder des auch schweren argwan-
von sich geben/ vnd den nicht abstel-
len

len wollenn / do doch solchs wol zu thun ist.

Zum achten / Die mit essen vñ trincken / vñ anderem eusserem thun / sich verruchter vñ vybischer vnmesigkeit halten.

Welche nun in solchē öffentlichē / vñ allen christen zum höchsten abscheulichsten lastern vñ ergernus vber alle warnung vñ vermanung / die inen in sonderheit / durch zeitigen Radt vort der kirchen gnugsam / vnd vberflüssig geschehen ist / Ja verharren / vnd die heilige kirche Christi / Ja in der selbigen Christum den Herren selbst / entlich verachten / vnd nicht hören wollen / Weil sich diese beweisen vnd bezeugen / das sie kein teil noch gemeinschaft in Christo dem Herren / vnd seinem Reich haben.

Also sollē auch die recht geordnete kirchē Christi / solche ir vrteil verkönden / vñ sie von der gemeinschaft der Christē dermassen (doch wie obgemelt) ausschliessen / vñ als heyden

vnd vnchristen halten / Damit nicht
solcher saurteig den gantzen teig des
Christlichen volck's verseure vnd ver-
derbe/ vñ auch darzu das solche / wo
möglich / bey inen selbst / durch solch
ausschliessen / vnd meyden / zu schan-
den / vnd also deste er / zur erkentnis
jrer sunden / vñ zur besserung bewegt
vnd angefüret werden.

Damit aber in dem gegen niemāds
vnzeitig gehandelt werde / soll man
auch versehē / das kein kirch yemants
den tisch des Herren / vnd Christliche
gemeinshaft ehe abschlag / es sey
denn dasselbige durch den Superat-
tendenten / nach erkantnis der sache
fur recht vnd billich erkent.

Vnd wo man verhoffen kündt /
das solchs dem verbannten / oder den
kirchē zur besserūg dienē solt / do mö-
cht man den Superintendentē da hin
da eyner zu bannen were / beruffen /
vnd ihn auch mit dem / der die kirchē
nicht hören wolte / reden / vñ ihn ver-
manen / vnd so das an ihm auch ver-
geblich

geblich sein wolte/in in den ban auß
sprechen vñ verkündigen lassen/doch
in bey seyn der Seelsorger vnd Eltes-
ten/der selbigen kirchen/ bey den als
les verbannen/nach zur zeit / vñ nicht
vor aller gemeyn geschehen soll/denn
wir nicht gedenccken können / das es
nach zur zeit besserlich seyn würde/
iemandes für aller gemein zu bannen/
Es were denn zuviel eyn grosses vnd
offenbares laster/ darinn einer gantz
trötzlich verharren wolt / Als den ist
öffentlich Gotteslesterung/verkerüg
Christlicher lere / odder so gar grobe
wüste widerspenstigkeit gegen allem
guten/ derhalben Gott in seynem ges-
etz gebent / solche leut gar hin zuri-
chten.

Es wird auch solchs bannen/obs
gleich alleyn vor den Eltesten gesche-
he/genugsam vnter die gemein auß-
brechen/ das in dem eyn ieder gotse-
liger/sich gegen dem verbanten wol
wirt zu halten wissen.

Dieses verbannen aber / es geschehe
allein bei den Eltesten / oder in der
gantzen kirchen / sol alle mael gesche-
hen / mit grosser dapfferkeit / vñ gantz
ernstlicher erinnerung des gewalts /
den der Herre der kirchen gegeben hat
Nemlich / das was sie also / nach dem
wort / vnd aus dem geist Christi vff
erden bindet / sol auch im himmel ge-
bunden sein / vñnd herwiderumb et c.
Matth. 16. 18. Johan. 20.

Wo auch jemandt den Bann ver-
achten vñ in dem sterbē würde / dem
sol die kirche zu seiner begrebnus iren
besondern dienst / sein leich zur erden
zu bestaten / nicht mitteilen.

Da mit aber dies Bannen der kir-
chen / die leut mehr zur forcht / vñnd
scham / vor dem sundtlichem lasterli-
chem thun / bewegt / ist die Oberkeit /
aus vermög Götlichs vñ keiserliches
rechts schuldig / keinen solchen vere-
chter der kirchē / vñ von Christo ver-
bāneten zu einigem Ehrlichem ampt
oder

oder thun zugebrauchen.

Wo denn von solchen/ die zum tiesch des Herren gangen sein / inn die gar groben sunden fielen/ Als mordt Ehebruch/ vnd des gleichen/ Wenn die schon von der Oberkeit gebüffet weren/ vnd auch von irem fael/ vffgestanden / nach so sollē sie die Eltesten zu ernstlicher bus / auch der Kirchen mit den wercken/ warer besserung genug zuthun/ vnd rechte rewe zubeweisen vermanen/ vnd inen darzu ein benente zeit verordnen / welche zeit sie die selbigen des tiesch des Herren/ sollen heissen müßig stehn bis sie da von wegen der Kirchen/ die als ware büßsende/ wissen wider zu gnadē des herren / vnd zu aller gemeinschaft der Christen auff zunemen.

Es sollen auch die seelsorger prediger vñ eltesten/ versehen / das alle die welche wie vorgemelt / den Christen als Heydenn zuhalten sein mit zugefattern / bey dem heiligen Tauff
zugez

zugelassen werde / ire kindt aber weil
die mehr der kirchen / denn ihnen ge/
born werden / sollen die selbigen ihre
glaubigen freundt / odder verordente
vor den Eltesten zum tauff bringen /
vnd so die selbigen kinder erwachsen
das sie des Catechismi febig sein / sol
len sie durch die Eltesten / auch durch
anhaltē der Oberkeyt zum Catechis/
mo gefordert werden.

Ja wo man mit Christlichen fū/
gen solche kinder möchte zu Gottse/
ligen freuden / vnd verwandten thun
oder zu andern Christlichen leuten /
als iren pettern / lerneistern oder an/
deren wie man des gelegenheyt vnd
bequeme weg finden würde / bey de/
nen sie auch zu haus / Christliche lere
zucht vnd Exempel hetten / Da sollen
die Seelsorger / Pfarher vñ Eltesten /
ihnen diesse kinder / Als kinder Gotes
vnd glider Christi / in solchem fal ge/
trewlich lassen beuolen sein / vñ sie zu
diessem heiligē vorteyl vnd besserung
mit allem vleys fordern.

Zum

Zum funfften / soll die Christliche
Kindtschafft vnd verwandtnus aller
Christen mit ihren hirtten vñ seelsors
gern/ auch das hertzlich begeben / in
die gehorsame des heiligen Euāgelij
vnd zu Christlicher zucht / auch das
mit gefordert werden.

Wenn der Herre jemandts Kinder
beschert / sollen der selbigen veter oder
der verwante / denen sie zum furnemst
sten befohlen / wo sie das vermögen /
selbst zu den dienern des worts kom
men / vnd die so theure gaben Christi
vnd dienst der kirchen mit Christli
cher demut begeren / Da sol den der
diener der kirchen / solche Veter oder
verwandte vleissig erinnern der ges
heimnus des heiligen Sacraments /
des / das der Herre alda schencket /
vñ wircket / mit getrewer vermanung
solchs geschencck vnd wergck Christi /
ihren kyndern mit warem glauben /
vnd gebührender andacht / zu entpfan
gen / vnd sich dem selbigen inn allem
dienst vnd zucht / des Kindes / danck
bar

bar zu beweisen.

Sollen sie auch denn fragen/ was
leute sie zu geuattthern gebetē/ vñ wo
die nicht zu solchem Heiligem werck
tüglich/ das ist gute Christen weren/
vñnd die sich inn aller gemeinschafft
Christi hielten/ in lere/ Sacramenten
vñd Christlicher zucht/ sol der pfarr
her odder Cappellan als diener des
worts/ sie von irem furhabē/ freunt
lich abweisen/ vñ dahin alle ding/ der
geuattthern / vñd alles des/ so sie sich
vor bei oder nach dem Tauff gebrau
chen wöllen/ leren richten / damit sie
sich da/ durch keine vngeschicklichkeit
oder misbrauch bei diesem heiligē sa
crament/ des todts des Herrē schül
dig machē / in den sie doch die kinder
durch den heiligē tauff begrabē, na
ch seines heiligē bluts mit dem sie da
von iren angebornē sunden abgewa
schen werden sollen/ Sonder das sie
sich des orts inn allem beweisen / als
die warlich glauben/ vñd wissen/ das
ire kinder alda/ aus der Tyrannei des
Sathans

Sathans/ vnd von allem fleischlich/
chem vnd weltlichem thun / inn das
reich Christi/ vñ zu warem himlischē
vnd götlichem wesen Christo vnserm
lieben Herren / sollen eingeleibet vnd
mit im bekleidet werden/ also das al-
ler weltlicher pracht vñ vppikeit nir-
get dapfferer vñnd mit mererm ernst
widersagt / vnd alle heiligkeit / vñnd
Gotseligis wesen/ eiferiger vñ volkom-
mener bewisen werdt.

Der gleichen ernst / mit berichten
vñnd vermanen/ sollen die diener des
worts auch gegē denen vbē / die zum
heiligen tisch des Herren ghen wols-
len / welche sie alle zuuor beforschen/
(wo sie die anderssust nicht als gnug-
sam vnterricht/ vnd recht verstendig
der geheimnussen Christi erkennen)
freuntlich vnterrichten / vormanen/
vñ trösten sollen / da mit sie die selige
gemeinschaft Christi nicht vngebür-
lich vñ zum gericht/ sondern mit wa-
rem glauben/ vñ Christlicher gebür/
vñ zu irem ewigen heil/ empfahen.

Welchs

Welchs beforschen/ vnderrichten/
vermanen/ vnd trösten/ freilich alle
die/ denen gegeben ist / das heilig sa-
crament zum heyl zuentpfahen / mit
aller danckbarkeyt vnd vberal zu key-
ner beschwerde / odder menschlicher
bürden vffnehmen werden / Den wir
ja in diesen hohen vnd seligen geheim-
nissen/ nimmer gnugsam erforschet
vnterwisen / vermanet vnd zum ver-
trawen auff die hohen zusage des
herren / gestercket werden mögen /
So seindt auch sollich leut alle eyn
brodt / vnd leib inn Christo / haben
die höchste vnd vertraueste gemein-
schafft mit eynander erkennen vnd
lieben/ auch die diener des herrē vber
alles im Herren/ Derhalb sie ob sol-
cher furderung ihres eygen heyls/ vñ
des Reichs Christi bey ihnen alle lust
vnd lieb/ vnd gar keyn vnwillen oder
verdrus haben mögen.

Also sollen auch die Diener des
worts / auch bey den francken/ ihren
getrewen vleis ankeren/ die Gemeyn-
schafft

Schafft der kirchen/vnd gantze be-
gung vnder das ioch Christi bey den
leuten zufordern / vnnnd den theuren
schatz die absolution von sunden/ die
der Herr der kirchen beuolhē / wider
in warem erkentnus werdt/vñ Chri-
stlichem brauch zu bringen/dazu den
bey allen kindern Gottes die züchtis-
gung des herren / durch die frantz-
heit gar ein forderlich mittel vnd an-
lass ist.

Als aber der heilig Paulus / die
truncken boltz auch zelet / vnder die
so zu bannen sein / vnnnd aber leider in
diesen Landen/das zutrinken/sogar
gemein worden / wirt von nöten sein
das die prediger/ allen vleys für wen-
den/ damit sie dem armē volck die er-
kenthnus vnd schewe dieser/ so schwe-
rer vorderblicher sunden durch das
wort des herren erwecken / vñ recht
wol ins gewissen bringen / darzu sie
sich denn gebrauchen sollen/wie das
E der

der heilig Augustinus weislich leret/
der so erschrecklichen ruten vnd pla/
gen des Herren/die er teglich vns zu/
schicket/ vnd nach viel schwerer dra/
wet/da durch vnfal des Türcken/da
durch Pestilentz vñ allerley Seuchen
da durch Eheurung/ Item durch so
eins zerstörets elendts Regiment / so
verderblicher zweitracht vñd tren/
nung Teutscher Nation / vñd wel/
ches das aller grausamst ist / durch
solche vnehorte missuerstandt / spal/
tung hinfallen vnd ausleschung bey/
wungen vnd alten/der Religion vñ wa/
rer Gottes forcht / welchs zwar al/
les solche straffen vñ plagen sein/ des
verdienten Götlichen zorns / das sie
nicht allein von solchem gantz vnfin/
nigen vnd vyhischem laster / der Sül/
lerey / sonder auch von allen andern
sunden vñd gebrechen / zu der aller
ernsten busfertigkeyt / billich erwe/
cken vnd treiben sollen/ Ja alle/die so
do glauben / das ein Gott vnd künfft/
rig

tig leben ist/ Derhalbē sollen die prediger/ neben dem schelten vñ verdammen Gottes/ das sie wider dieses laster in den Propheten vñnd andren schriffTEN/ vielfeltig haben/ der erzelten plagen/ vñd iamer den leuten/ mit höchstem ernst recht anzusehen/ vñd zubedencken / alle mal fur halten / vñ sie zur bus/ vñd besserung ermanen/ ehe der zorn des Herren also anbren̄/ das er vns gar hin werff/ vñ ausrodte wie er hienor so offft / nicht allein den Jüden/ sonder auch den Heiden in vielen Landen gethan hat/ da sie sein heilsame gnaden also vergeblich vffgenommen/ vñnd so verstocket/ vber alles warnen vñd straffen/ in den lastern verharret sein / Sie sollen auch die Oberkeiten getrewlich vermanen das auch sie / mit gantz ernstlichem anhalten der straffen/ erkantnus dieser / so schwerer erschrecklicher sunden/helffen/ neben dem predigen in den leuten wider auffbringen/ vñnd

lebendig machen/ denn solchs iemer/
lich verwüstē/ nicht allein der theurn
gaben göttes des trancks/ sonder au
ch der mēschen / an gut leib vnd seel/
denen der Herre diese seine lieben ge/
schenck / zu allem gutem erschaffen
hat/ vñ mitteylet / kan oder mag vns
ia anders nichts/ denn das aller sch/
werest gericht / vñ die grausambsten
pflagen bringen / vnd vber den hals
furen/ als die bey andern völcern ihe
erhöret sein/ wo diesem so schentlich/
em iemerlichē vbel/ bey dieser so herr/
licher offenbarung des heiligen Euā
gelij vnd so vielfaltiger warnung zur
besserung/ die vns Gott durch so vie/
lerley ruten vnd auch drawung viel
schwerer ruten/ teglich erzeiget/ nicht
solt statlich begegnet werden.

Denn das gerecht vrtheil Gottes
vber alle völcfer / ihe vñ ihe ergangen
ist/ vnd ergeheth/ weñ die laster dahin
gewachsen sein/ das sie kein schand
oder

oder straff mehr haben / das wort
Gottes dagegen verachtet ward / die
Oberkeiten die straff nachlassen / als
den füret der gerechte Gott / vber sol-
che verterbte leut / alle mal / vber die
pflag der theurung Pestilentz / vñ al-
lerley jamer vnd nodt / vñ weder ver-
terbliche vffruhr vnter jnen selbst / od-
der frembde vñ graussame feindt / die
alles vmbkeren / vnd verterben / oder
aber die beidt vnglück zumal / bis er
solche verstockte sunder von der erdē
gar ausgereutet hat.

Gleichen ernst sollen die Prediger
ankeren / mit vermanung zum volcke
vnd der Oberkeit in recht erkantnis
vnd gewissen zubringen / die schwere
grausame Gotslesterung / welche die
leut an alle schew / inn dem erschreck-
lichem fluchen vñ schweren begehen /
darinn sie mit höchster schmach / vñ
lesterung / dem Herrn sein heilige ma-
cht / krafft / leiden / marter / blut / wun-

chlich mittheilen / vnnnd verleihen / da
mit ein jeder / was ihm gebüret / zu
diesem / so nodtwendigem heilsamen
dienst vnnnd werck / getrewlich ley
sten / vff das die Pfarre vnnnd Kir
chen / allenthalb im Fürstenthum /
mit sollichen verstendigen / trewen /
Eyfrigen / vnd Frommen Predigern /
vnd Eltesten / wie die inn der Orde
nung beschrieben sein / bestellet vnd
verschen werden / Vnd die selbigent
also / wie hieroben erzelet / ihren di
enst an den Jungen vnd alten leysten
damit alle menschen zu ihrem Heyl
mit höchstem vleis vn̄ ernst gesucht /
vnnnd zu Christlicher Gemeinschaft
bracht / auch inn der selbigenn / vor
allen ihrthum vnd sunden bewaret /
vnd zu recht Christlichem leben / inn
aller Heyligkeit / gerechtigkeit / vnd
Gottseligkeit / angefüret / erhalten /
vnnnd teglich gebessert werden / vff
das bey vns / vnnnd durch vns / auch
bey andern / sein Göttlicher Name
immer

immermehr geheyliget / vnd sein seß
ligs Reich erweitert werdt / vnd
inn aller welt teglich mehr
vberhand nehm / zu seiß
nem lob vnd preis /
Amen.

Mag. Adam Fulda.

D. Thylomannus Schnabel.

Ioannes Kymeus.

Gerardus Nouiomagus.

Dionisius Melander.

Joānes Pistorius Niddanus.

Ioannes Leningus.

Daniel Greferus.

Theodorus Fabritius.

Bartholomeus Grentzbach.

Gedruckt zu Erfurdt bei
Welchior Sachsen / inn
der Archen Noe / Aus
verlegung Colman
Engells / zu
Cassell.

Anno. M. D. XXXIX.

